



Author: Bhushan Lal Kaul (Deep Ji)

Reviewer	Review Date	Status
Vishal Kachroo	2024-09-19	In progress ▾
		Not started ▾
		Not started ▾
		Not started ▾

सोंचान छुस

भूषण कौल "दीप"

सोंचान छुस बु खारु कस तखसीर
शायद अथु गॉयि नीरिथ कॅशीर
कस डोल यि ईमान कस गोल ज़मीर
दावस लोगुन सोन तकदीर

ओसुस शोंगिथ बु मच्चि न्येन्दरे
कॅम्य च्वय यि कॅर अन्दुर्य अन्दरे
कुस आव कति प्यठु कॅम्य दिच्च ज़ीर

ननि तनि छेचिनम खूनच लकीर

गरि कोडनस तु परि आस ह्यनय

शबनम प्यव गुलन कलु कडुनय

फँक्य गॉयि साँरी म्याँन्य तदबीर

खोफज़द गव नुन्दु रयोष तु ऋशि पीर

थरु थरु चायि तति पनुवँथरन

यलु गॉयि दँर्याव लोलु चेशमन

बाँयिस ब्येनि राँव माजि रोव वीर

वोथ क़हर जन्नतस युस ओस बेनँज़ीर

ओस युस सतीसर ऑस ऋश्यवॉर

फ्युर द्युत वख्तन बनेयि चांदमॉर

छलि छलि प्यव मँहल डँज्य अथ सीर

म्यूल तस क्याह येम्य डॉज्य तस्वीर

मँत्य अक्लि अज़ताम थँकुरॉव्य अँस्य

वावु छटि ऑखरस छ्यकुरॉव्य अँस्य

प्रथ अँकिस वुन्यक्यनस रॉवमुत्य तीर

चुवँतिस प्यठ छि पेमुत्य बे-पीर

कुस वायि गन्टा मंदरस मंज़
कुस करि वापस गछनुक संज़
कुस त्रावि 'दीपस' सोयथ तु तील
कुस बावि कँमिस अन्दरिम सीर।

भूषण कौल "दीप"

